

植物名實圖考

植物名實圖考長編卷之八

固始吳其濬著

蒙自陸應穀校刊

隰草

莪蒿

鼠麴草

搥胡根

鴨跖草

鬼釵草

毛蓼

薺草

狼把草

鑿菜

紅藍花

燈心草

穀精草

木賊

黃蜀葵

萱草

海金沙

雞冠

葫蘆巴

烏炭子

小青

麗春草

杏葉草

九牛草

無心草

見腫消

攀倒甍

曲節草

水甘草

陰地厥

莠竹

竹頭草

鹿蹄草

金盞草

水楊梅

剪春羅

迎春花

半邊蓮

地蜈蚣草

紫花地丁

千年艾

箬

淡竹葉

莠

莧蒿

詩經菁菁者莧陸璣疏莧也一名蘿蒿生澤田漸洳之處葉似邪蒿而細科生三月中莖可生食又可蒸食香美味頗似萑蒿

爾雅莧蘿郭注蘿蒿

本草拾遺蘿蒿味辛溫無毒主破血下氣煮食之似小薊生高岡宿根先於百草一名莧蒿

救荒本草搯娘蒿生田野中苗高二尺許莖似黃蒿莖其葉碎小茸細如鍼色頗黃綠嫩則可食老則爲柴苗葉味甜採苗葉


煤熟換水浸淘去蒿氣油鹽調食

按捕娘蒿根大而長與衆蒿異而葉似黃蒿枝葉茸密或以其抱根叢生名曰抱娘蒿李時珍以爲卽莧蒿與陸疏差近唐本草有角蒿本自一種而埤雅以爲卽莧蒿本屬無稽今從李記

說文解字注莧莧逗蘿也此三字舊作蘿莧二字今正莧系複舉不當倒於蘿下小雅菁菁者莧蓼蓼者莧釋艸曰莧蘿以蘿釋莧毛傳曰莧蘿蒿也以蘿蒿釋莧陸璣亦云莧蒿一名蘿蒿蒿屬凡言屬則別在其中故鄭注周禮每云屬別从艸我聲五

何切十七部蘿莪也是謂轉注从艸羅聲魯何切十七部蒜
屬郭樸曰莪蒿亦曰廩蒿按廩同蒜許不言莪蒜一物也从艸
林聲力稔切七部

乃
公
之
子
之
子



鼠麴草

本草拾遺鼠麴草味甘平無毒調中益氣止洩除痰壓時氣去熱噉雜米粉作糗食之甜美生平岡熟地高尺餘葉有白毛黃花荆楚歲時記云三月三日取鼠麴汁蜜和爲粉謂之龍舌料以壓時氣山南人呼爲香茅取花雜櫟皮染褐至破猶鮮江西人呼爲鼠耳草

本草綱目李時珍曰曰華本草鼠麴卽別錄鼠耳也唐宋諸家不知乃退鼠耳入有名未用中李泉藥類法象用佛耳草亦不知其卽鼠耳也原野間甚多二月生苗莖葉柔軟葉長寸許白

葺如鼠耳之毛開小黃花成穗結細子楚人呼爲米麴北人呼爲葺母故邵桂子壘天語云北方寒食采葺母草和粉食宋徽宗詩葺母初生認禁煙者是也

按鼠麴草今湖廣江西春時採和粉爲粢云甚滑美江西呼爲水膩草卽鼠耳之轉音湖南呼爲水莓

搥胡根

本草拾遺搥胡根味甘寒無毒主潤五藏止消渴除煩去熱明目功用如麥門冬生江南川谷蔭地苗如萱草根似天門冬用去心

按南康山中有之土人呼爲土當歸全似萱草惟苗葉薄而輟近根處頗扁不似萱草之圓滑耳根微黃味極似天門冬湖南又呼爲土當歸其根比萱草根稍甜

方
人
之
子
之
子



鴨跖草

本草拾遺鴨跖草味苦大寒無毒主寒熱瘴癘痰飲丁腫肉癰
澁滯小兒丹毒發熱狂癰大腹痞滿身面氣腫熱痢蛇犬咬癰
疽等毒和赤小豆煮下水氣濕痺利小便生江東淮南平地葉
如竹高一二尺花深碧有角如鳥觜北人呼爲雞舌草亦名鼻
研草吳人呼爲距距斫聲相近也一名碧竹子花好爲色

李衍竹譜青銀兒花江淮之間處處有之初徧地鋪生一節一
葉一花其葉如竹其花青碧色兩瓣中有白鬚至秋深時亦能
堅立醫家用爲通水道藥本草名鴨跖草野人呼爲碧竹子又

名碧蟾蜍又竹葉草喜生卑濕處在在有之節莖脆嫩莖如眞竹春時初出採煮可爲菜食之夏秋之交節間開碧花或云此卽碧環兒花非也二種大同而小異耳

救荒本草竹節菜一名翠蝴蝶又云翠娥眉又名筴竹花一名倭青草南北皆有今新鄭縣山野中亦有之葉似竹葉微寬短莖淡紅色就地叢生攢節似初生嫩葦節梢葉間開翠碧花狀類蝴蝶其葉味甜採嫩苗葉燂熟油鹽調食

本草綱目李時珍曰竹葉菜處處平地有之三四月生苗紫莖竹葉嫩時可食四五月開花如娥形兩葉如翅碧色可愛結角

尖曲如鳥喙實在角中大如小豆豆中有細子灰色而皺狀如蠶屎巧匠採其花取汁作畫色及彩羊皮燈青碧如黛也

按鴨跖草卽俗呼水竹子俚方以爲淡竹葉非古方淡竹也
集簡方謂之竹雞子活幼全書謂之藍姑草宋楊巽齋翁元
廣皆有碧蟬花詩皆一物也惟李衍竹譜以爲兩種今田野
間所產及滇南所謂地地藕者形狀皆同而肥瘦異耳

鬼釵草

本草拾遺鬼釵草味苦平無毒主蛇及蜘蛛咬杵碎傳之亦杵
絞汁服生池畔葉有極方莖子作釵脚著人衣如鍼北人呼爲
鬼鍼